

Universitätsbibliothek Paderborn

Antonii Bynaei de Calceis Hebraeorum Libri Duo

Bynaeus, Anthony

Dordraci, 1682

Nostra istius loci explicatio.

urn:nbn:de:hbz:466:1-12835

300 De CALCEIS HEBRAOR.

in siti procul eundum esset, aut quo adhortatur propheta ut fibi caveant, ne in talem incident & tam miseram calamitatem, sed quo à foeda libidine hoc est Idolatria populum deterret.

VI. Hunc sensum miror non vidisse multos interpretes, qui abeunt in alia omnia, quorum sententias neque referre, neque examinare libet. Superiori libro, duorum commatum, quæ præcedunt, sensum dedimus, ut quidem opinor, verisimillimum. **Came-lum juniorem** מַשְׁאכֵת וָבֶן, quæ circumit vias, docuimus esse Camelum fœminam, quæ incipit catulire, & œstro libidinis percita huc illuc vagatur maris potundi gratia. Scilicet Propheta qui cum meretrice comparaverat Iudaicam gentem, quæ in lupanari prostata & cuilibet se prosternit, quo magis appareat rei fœditas, eam comparat cum camelo juniore, quæ libidine flagrans marem quærerit. Quæ metaphora non contentus etiam onagrum vocat populum ad Idolatriam proclivem, quæ ubi eminus olfecit marem, à nemine inhiberi

lib.
cap. 6.

hiberi potest, quo minus ad eum currat, imo quæ neminem recusat vel in ipsis menstruis. In eadem metaphora pergit Propheta, atque ex Dei nomine monet, *prohibe pedem tuum à discalceatione, & guttur tuum à siti.* Scilicet Israelem avocat ab impudenti libidine, qua omnium gentium Idola colebant. Apud veteres uti matronæ & pueræ pudicæ non tantum velatæ erant, verum etiam pedes stola & calceos tegebant, ita quæ licentiam stupri vulgaverant, non service modo & humeris atque laceris conspicuis ac seminudis erant, prout Ovidius canit :

Ovid. de
Arte Am.
lib. 3.

Pars humeri tamen ima tui pars summa lacerti

*Nuda sit à lœva conspicienda manu.
Hoc vos præcipue niveæ decet : hoc
ubi vidi,*

Oscula ferre humero qua patet usque libet,

verum etiam pedes discalceatos & nudos ostendebant, nisi forte quid vitii subeffet, quo facit hoc ejusdem monitum,